



სახელმწიფო შესყიდვების
სააგენტოს თავმჯდომარის
გ ა ნ კ ა რ გ უ ლ ე ბ ა



KA080133624795823

№ 1454

10 / მაისი / 2023 წ.

შპს „წულაძე ქანდაკების“ შავ სიაში დარეგისტრირების შესახებ

შემსყიდველი ორგანიზაცია: ააიპ „საქალაქო ინფრასტრუქტურისა და კეთილმოწყობის სამმართველო“;

კონკურსის ნომერი: CNT230000015;

შესყიდვის ობიექტი: 71200000 – არქიტექტურული და მასთან დაკავშირებული მომსახურებები;

პრეტენდენტი: შპს „წულაძე ქანდაკება“ (ს/ნ: 205256961);

წერილობითი შეტყობინების საფუძველი: ხელშეკრულების დადების უფლების მოპოვების მიზნით არაკეთილსინდისიერი ქმედების ჩადენა.

აღწერილობითი ნაწილი

1. ადმინისტრაციული წარმოების დაწყება

1.1. სახელმწიფო შესყიდვების სააგენტოში 2023 წლის 13 მარტს წარმოდგენილ იქნა ააიპ „საქალაქო ინფრასტრუქტურისა და კეთილმოწყობის სამმართველო“ 2023 წლის 13 მარტის № 90-1423072550 წერილობითი შეტყობინება (რეგისტრაციის № 2240), რომლითაც სააგენტოს ეცნობა CNT230000015 კონკურსიდან პრეტენდენტის – შპს „წულაძე ქანდაკების“ (ს/ნ: 205256961) დისკვალიფიკაციის შესახებ ხელშეკრულების დადების უფლების მოპოვების მიზნით არაკეთილსინდისიერი ქმედების ჩადენის გამო.

1.2. სააგენტომ პრეტენდენტს, სახელმწიფო შესყიდვების ერთიან ელექტრონულ სისტემაში მის პროფილში მითითებული ელექტრონული ფოსტის მისამართის tsuladze@yahoo.com მეშვეობით, 2023 წლის 17 მარტის № 1021 წერილით აცნობა სააგენტოში შემსყიდველი ორგანიზაციის წერილობითი შეტყობინების წარმოდგენის თაობაზე და, სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-5 მუხლის მე-5 პუნქტის შესაბამისად, სთხოვა ხსენებულ საქმეზე წერილობითი განმარტების წარმოდგენა.

1.3. პრეტენდენტმა სააგენტოში 2023 წლის 22 მარტს წარმოადგინა 2023 წლის 21 მარტის განმარტება (რეგისტრაციის №2539) CNT230000015 კონკურსიდან დისკვალიფიკაციასთან დაკავშირებით.

2. შემსყიდველი ორგანიზაციის პოზიცია

შემსყიდველი ორგანიზაციის წერილობითი შეტყობინების თანახმად, CNT230000015 კონკურსში მონაწილეობა მიიღეს ი.მ. ირაკლი წულაძემ (პირადი № 01010004938) და შპს „წულაძე ქანდაკებამ“ (ს/ნ: 205256961), რომლის დირექტორს და 100%-იანი წილის მესაკუთრეს წარმოადგენდა ირაკლი წულაძე (პირადი № 01010004938). მოცემული გარემოებების გათვალისწინებით, შემსყიდველი ორგანიზაციის სატენდერო კომისიამ 2023 წლის 9 მარტის № 1-2 სხდომის ოქმით, სახელმწიფო შესყიდვების სააგენტოს თავმჯდომარის 2017 წლის 14 ივნისის № 12 ბრძანებით დამტკიცებული „ელექტრონული ტენდერის ჩატარების წესის“ 32-ე მუხლის პირველი პუნქტის „გ“ ქვეპუნქტის საფუძველზე, ი.მ. ირაკლი წულაძეს (პირადი № 01010004938) და შპს „წულაძე ქანდაკებას“ (ს/ნ: 205256961) მისცა დისკვალიფიკაცია ხელშეკრულების დადების უფლების მოპოვების მიზნით არაკეთილსინდისიერი ქმედების ჩადენის გამო.

3. პრეტენდენტის პოზიცია

ირაკლი წულაძის განმარტებით, იგი არის მოქანდაკე, რომელსაც მთავარი ყურადღება და აქცენტი გადააქვს ხელოვანებს ნამუშევრის შექმნაზე, ასევე, მსგავსი კონკურსები იშვიათად ტარდება და დოკუმენტაციასთან მუშაობის გამოცდილებაც ნაკლებად აქვს, რის გამოც დაუშვა მექანიკური უზუსტობა საკონკურსო დოკუმენტაციის ატივითვისას. ასევე, აღნიშნავს, რომ მისი მიზანი არ ყოფილა არაკეთილსინდისიერი ქმედების ჩადენა, უკვე დაისაჯა მექანიკური შეცდომისა და გამოუცდელობის გამო კონკურსიდან დისკვალიფიკაციით და ითხოვს არ განხორციელდეს მისი შავ სიაში რეგისტრაცია.

4. სააგენტოს მიერ დადგენილი გარემოებები

4.1. 2023 წლის 9 თებერვალს ააიბ „საქალაქო ინფრასტრუქტურისა და კეთილმოწყობის სამმართველომ“ გამოაცხადა CNT230000015 კონკურსი არქიტექტურული და მასთან დაკავშირებული მომსახურებების (CPV71200000) შესყიდვის მიზნით.

4.2. CNT230000015 კონკურსში მონაწილეობა მიიღეს ი.მ. ირაკლი წულაძემ (პირადი № 01010004938) და შპს „წულაძე ქანდაკება“ (ს/ნ: 205256961).

4.3. ამონაწერით მენარმეთა და არასამენარმეო (არაკომერციული) იურიდიული პირების რეესტრიდან (მომზადების თარიღი: 15.02.2012, რეგისტრაციის № B12020980) ირკვევა, რომ შპს „წულაძე ქანდაკება“ (ს/ნ: 205256961) დირექტორს და 100%-იანი წილის მესაკუთრეს წარმოადგენს ირაკლი წულაძე (პირადი № 01010004938).

4.4. გეოგრაფიული გარემოებების გათვალისწინებით, შემსყიდველი ორგანიზაციის სატენდერო კომისიამ 2023 წლის 9 მარტის №1-2 სხდომის ოქმით, სახელმწიფო შესყიდვების სააგენტოს თავმჯდომარის 2017 წლის 14 ივნისის № 12 ბრძანებით დამტკიცებული „ელექტრონული ტენდერის ჩატარების წესის“ 32-ე მუხლის პირველი პუნქტის „ბ“ ქვეპუნქტის საფუძველზე, ი.მ. ირაკლი წულაძეს (პირადი № 01010004938) და შპს „წულაძე ქანდაკება“ (ს/ნ: 205256961) მისცა დისკვალიფიკაცია ხელშეკრულების დადების უფლების მოპოვების მიზნით არაკეთილსინდისიერი ქმედების ჩადენის გამო.

სამოტივაციო ნაწილი

5. შემაჯამებელი დასკვნა

საქმეში არსებული მტკიცებულებებისა და გარემოებების შეფასებისა და ურთიერთშეჯერების საფუძველზე, სააგენტო მიიჩნევს, რომ შპს „წულაძე ქანდაკება“ (ს/ნ: 205256961) უნდა დარეგისტრირდეს შავ სიაში.

6. გამოყენებული სამართლებრივი აქტები

„სახელმწიფო შესყიდვების შესახებ“ საქართველოს კანონი, სახელმწიფო შესყიდვების სააგენტოს თავმჯდომარის 2017 წლის 14 ივნისის № 12 ბრძანებით დამტკიცებული „ელექტრონული ტენდერის ჩატარების წესი“, სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესი და პირობები“.

7. სამართლებრივი შეფასება

7.1. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-3 მუხლის პირველი პუნქტის თანახმად, ელექტრონული ტენდერის შემთხვევაში, პრეტენდენტის შავ სიაში დარეგისტრირების საფუძველია, თუ იგი დისკვალიფიცირებულია ტენდერიდან ხელშეკრულების დადების უფლების მოპოვების მიზნით არაკეთილსინდისიერი ქმედების ჩადენის გამო.

7.2. იმავე წესის მე-7 მუხლის მე-2 პუნქტის შესაბამისად, საქმეში არსებული გარემოების გამოკვლევის, შეფასებისა და ურთიერთშეჯერების შედეგად, სააგენტო ადგენს, არსებობს თუ არა პრეტენდენტის/ მიმწოდებლის შავ სიაში დარეგისტრირების საფუძველი. იმ შემთხვევაში, თუ არსებობს ამ მუხლის მე-4 პუნქტით გათვალისწინებული გარემოებები, სააგენტო იღებს გადაწყვეტილებას პრეტენდენტის/ მიმწოდებლის შავ სიაში დარეგისტრირებაზე უარის თქმის შესახებ, ხოლო იმ შემთხვევაში, თუ არსებობს პრეტენდენტის/ მიმწოდებლის შავ სიაში დარეგისტრირების საფუძველი, სააგენტო, ამ მუხლის შესაბამისად, იღებს გადაწყვეტილებას პრეტენდენტის/ მიმწოდებლის გაფრთხილების ან შავ სიაში დარეგისტრირების შესახებ.

7.3. სახელმწიფო შესყიდვების სააგენტოს თავმჯდომარის 2017 წლის 14 ივნისის № 12 ბრძანებით დამტკიცებული „ელექტრონული ტენდერის ჩატარების წესის“ 32-ე მუხლის პირველი პუნქტის „ბ“ ქვეპუნქტის თანახმად, პრეტენდენტი ექვემდებარება დისკვალიფიკაციას, თუ იგი ხელშეკრულების დადების უფლების მოპოვების მიზნით ჩადენს არაკეთილსინდისიერ ქმედებას.

7.4. „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „შ“ ქვეპუნქტის თანახმად, აფიდავიტი წარმოადგენს წერილობით დოკუმენტს, რომლის ხელმოწერილი ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობისთვის. ამასთან, „ელექტრონული ტენდერის ჩატარების წესის“ დამტკიცების შესახებ სახელმწიფო შესყიდვების სააგენტოს თავმჯდომარის 2017 წლის 14 ივნისის № 12 ბრძანების დანართის № 1-

ით დამტკიცებული აფიდავიტის ფორმისა და პირობების მიხედვით, გამოცხადებულ ტენდერში მონაწილეობის მიღების მიზნით პრეტენდენტი ადასტურებს, რომ მის მიერ წარდგენილი სატენდერო წინადადება ან მისი კომპონენტი შემუშავებულია კონკურენტისგან დამოუკიდებლად. ამასთან, ამავე პირობების მიხედვით, „კონკურენტი“ არის ნებისმიერი პირი, რომელიც არის ან შესაძლებელია იყოს პრეტენდენტი ამ ტენდერში/კონკურსში.

7.5. განსახილველ შემთხვევაში, დგინდება, რომ პრეტენდენტმა CNT230000015 კონკურსში ხელშეკრულების დადების მიზნით ჩაიდინა არაკეთილსინდისიერი ქმედება. კერძოდ, სააგენტო აღნიშნავს, რომ CNT230000015 კონკურსში მონაწილეობა მიიღეს ი.მ. ირაკლი წულაძემ (პირადი № 01010004938) და შპს „წულაძე ქანდაკებამ“ (ს/ნ: 205256961), ხოლო ამონაწერით მეწარმეთა და არასამეწარმეო (არაკომერციული) იურიდიული პირების რეესტრიდან (მომზადების თარიღი: 15.02.2012, რეგისტრაციის № B12020980) ირკვევა, რომ შპს „წულაძე ქანდაკებას“ (ს/ნ: 205256961) დირექტორს და 100%-იანი წილის მესაკუთრეს წარმოდგენდა ირაკლი წულაძე (პირადი № 01010004938). მოცემული გარემოებები მიუთითებს პრეტენდენტების მიერ სატენდერო წინადადებების ერთობლივად შემუშავებაზე. საგულისხმოა ისიც, რომ აღნიშნული გარემოებები არც პრეტენდენტს უარყვია წარმოდგენილი განმარტებით. ამდენად, დასტურდება პრეტენდენტების მიერ აფიდავიტის პირობების დარღვევა და, შესაბამისად, სახეზეა ხელშეკრულების დადების უფლების მოპოვების მიზნით არაკეთილსინდისიერი ქმედების ჩადენა.

7.6. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-6 პუნქტის თანახმად, შავ სიაში დარეგისტრირების შესახებ გადაწყვეტილება მიიღება იმ შემთხვევაში, თუ შემსყიდველი ორგანიზაციის მიერ წარდგენილი ინფორმაცია სრულად აკმაყოფილებს ამ წესის მე-3 და მე-4 მუხლებით განსაზღვრულ მოთხოვნებს და არ არის სახეზე შავ სიაში დარეგისტრირებაზე უარის თქმის ან გაფრთხილების საფუძველი. ამავე მუხლის მე-7 პუნქტის თანახმად, თუ დადგინდა, რომ პრეტენდენტმა/მიმწოდებელმა ხელშეკრულების დადების უფლების მოპოვების მიზნით ჩაიდინა არაკეთილსინდისიერი ქმედება, იგი ექვემდებარება შავ სიაში რეგისტრაციას და მის მიმართ გაფრთხილება არ გამოიყენება.

7.7. სააგენტო მიიჩნევს, რომ შემსყიდველი ორგანიზაციის წერილობითი შეტყობინება აკმაყოფილებს ზემოხსენებული წესის მე-3 და მე-4 მუხლებით განსაზღვრულ მოთხოვნებს. ამასთან, სახეზეა პრეტენდენტის შავ სიაში დარეგისტრირების წინაპირობა და არ არსებობს მისი შავ სიაში დარეგისტრირებაზე უარის თქმის ან გაფრთხილების საფუძველები, რადგან დგინდება, რომ შპს „წულაძე ქანდაკებამ“ (ს/ნ: 205256961) CNT230000015 კონკურსში ხელშეკრულების დადების უფლების მოპოვების მიზნით ჩაიდინა არაკეთილსინდისიერი ქმედება. შესაბამისად, შპს „წულაძე ქანდაკება“ უნდა დარეგისტრირდეს შავ სიაში.

სარეზოლუციო ნაწილი

სააგენტომ იხელმძღვანელა სახელმწიფო შესყიდვების სააგენტოს თავმჯდომარის 2015 წლის 29 ოქტომბრის №19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-6 და მე-7 პუნქტებით და დაადგინა:

1. შპს „წულაძე ქანდაკება“ (ს/ნ: 205256961) 2023 წლის 11 მაისს დარეგისტრირდეს შავ სიაში.
2. ამ განკარგულების აღსრულება დაევალოს სახელმწიფო შესყიდვების სააგენტოს ინფორმაციული ტექნოლოგიების დეპარტამენტს.
3. ეს განკარგულება შეიძლება გასაჩივრდეს მისი ოფიციალური გაცნობის დღიდან ერთი თვის ვადაში, თბილისის საქალაქო სასამართლოს ადმინისტრაციულ საქმეთა კოლეგიაში (ქ. თბილისი, დავით აღმაშენებლის ხეივანი №64), კანონმდებლობით დადგენილი წესით.

თავმჯდომარე

ხელმოწერილია/
შტამპდასმულია
ელექტრონულად



ლევან რაზმაძე